



Casa da Cultura: 981487666/645305229



CONCELLO DE VALDOVIÑO. XXIII FESTIVAL DE ENTROIDO 2023

BASES QUE REXERÁN NO XXIII FESTIVAL DO ENTROIDO 2023 NO CONCELLO DE VALDOVIÑO .

O obxecto das presentes bases é promover polo Concello de Valdoviño o XXIII Festival de Entroido que se celebrará o sábado 25 de febreiro no Concello de Valdoviño.


1.- Poderán participar no XXIII Festival de Entroido do Concello de Valdoviño as entidades legalmente constituídas e/ou grupos ocasionais que cumpran as condicións establecidas nas seguintes bases. En todo caso nomearase un representante debidamente autorizado para actuar en nome do grupo.

2.- Poderán participar no festival todas as persoas interesadas nas seguintes categorías:

A) COMPARSA: considerarase comparsa o grupo de persoas integrado por un número igual ou superior a dez compoñentes debidamente disfrazados e gardando unha unidade temática na súa vestimenta e actuación. Todas as inscritas poden optar a unha axuda económica, e as gañadoras do concurso a vales para consumo en empresa local de Valdoviño (cesión do dereito do gañador ao establecemento comercial).

No caso de comparsas nas que participen menores, estes non poderán superar en número o 50% da formación.

B) OUTROS: entran nesta categoría os disfrazados a título individual, as parellas de disfraces e grupos de até cinco persoas. A título de disfraz individual non se admitirán menores; porén estes si poderán formar parte de parellas ou grupos sempre e cando o fagan acompañados de polo menos un adulto que se responsabilice dos mesmos. A parella ou grupo deberá de manter unha uniformidade de criterio na súa indumentaria. Os gañadores optarán a vales para consumo en empresa local de Valdoviño (cesión do dereito do gañador ao establecemento comercial).





Casa da Cultura: 981487666/645305229




3.- O Concello de Valdoviño destina a cantidad máxima de 3.450,00 euros en calidade de axudas para distribuír entre as categorías participantes nas modalidades: **COMPARSA** e **OUTROS**. O gasto imputarase á partida orzamentaria 334.48000.

4.- En relación ao punto anterior, a cantidad máxima destinada a **axudas de participación** a todas as COMPARSAS admitidas será de 3.000,00 euros, a cantidad destinada a **axuda de concurso** na modalidade COMPARSAS será de 300,00 euros e a cantidad máxima destinada na modalidade OUTROS será de 150,00 euros.

5.- No referido ás axudas por participación, a cantidad máxima que recibirá cada comparsa que reuna as condicións e requisitos esixidos nestas BASES será de 300'00 euros. O pagamento farase efectivo mediante transferencia bancaria na conta sinalada na documentación da inscrición na que deberá constar o IBAN. De ser o caso, aplicarase a retención de IRPF de acordo coa lexislación vixente.

6.- No referido ao concurso na **CATEGORÍA DE COMPARSAS**, o Concello de Valdoviño destinará 300,00 euros que serán repartidos en dous vales para consumo en comercio local de Valdoviño (cesión do derecho do gañador ao establecemento comercial) de 150 € cada un entre as dúas comparsas concursantes que resulten escollidas como as mellores do ano 2023 . Unha das comparsas será elixida polo xurado formado por cada un dos representantes nomeados polas comparsas e outra será elixida polo xurado formado polo equipo de traballo da área de cultura do Concello de Valdoviño. Unha mesma comparsa non pode ser destinataria de máis dunha axuda de concurso.

7.- No referido á **CATEGORÍA DE OUTROS** os 150,00 euros destinados a este fin repartiranse a razón de 3 vales de consumo en empresa local de Valdoviño (cesión do derecho do gañador ao establecemento comercial) de 50,00 euros por vale, que irán destinados aos tres mellores disfraces que concursen nesta categoría escollidos polo





Casa da Cultura: 981487666/645305229



xurado formado polos representantes nomeados polas comparsas. No caso de que NON PROCEDA outorgar todos ou algúns dos vales por ficar deserta esta opción ou por incumprimento das bases dos inscritos, a organización decidirá se destinar ese importe ao apartado “concurso de comparsas”.

8.- Para poder participar en calquera das categorías será imprescindible cumplimentar a solicitude de inscripción correspondente e os seus documentos anexos e entregalos na Casa da Cultura do Concello nas seguintes datas e horarios: **días 13, 14, 15, 16, 17 e 20 de febreiro das 11 ás 14 horas e das 16 ás 19 horas.** Non se recollerán inscricións nas que non se presente toda a documentación incluída a letra das cancións e/ou das parodias.

9.- O modelo de instancia e Bases de inscripción facilitaranse na Casa da Cultura e estará dispoñible tamén na páxina web do Concello para a súa descarga.

10.- A cantidade máxima de comparsas que se admitirán a participar nesta edición do Entroido 2023 será de dez que serán admitidas seguindo os seguintes criterios:

1º) Terán preferencia sempre que cumpran os requisitos establecidos nas bases, as comparsas formadas por veciños-as de Valdoviño.

2º) Seguidamente computaranse as comparsas dos outros municipípios.

3º) No caso de que haxa máis de 10 comparsas inscritas, as comparsas de Valdoviño serán admitidas na súa totalidade e farase un sorteo público o día 22 de xaneiro ás 13:00 horas na Casa da Cultura entre as comparsas que non son de Valdoviño para determinar cales serán as participantes.

A organización reservarase o dereito á cancelación do evento no suposto de que non se acade o número mínimo de 3 comparsas participantes.

11.- A orde de inscripción de cada comparsa **DETERMINARÁ** a orde de saída ao escenario e a colocación no pasarrúas. **O mércores 22 de febreiro** confirmarase por



Casa da Cultura: 981487666/645305229



correo electrónico e ao responsable de cada comparsa a súa participación na XXIII Edición do Festival do Entroido do Concello de Valdoviño.

12.- As comparsas inscritas asumen o compromiso de desfilaren en pasarrúas . Con tal motivo, os participantes deberán estar ás 17,00 horas nas inmediacións do edificio da Casa do Concello para, atendendo ás indicacións da organización, colocarse con tempo suficiente para iniciar o desfile ás 17,30 horas. O percorrido comprenderá o seguinte tramo: saída desde a Casa do Concello desfilando pola estrada principal ata chegar á Casa da Cultura.

13.- As comparsas que leven no pasarrúas vehículos a motor deberán contar cos permisos de circulación, de inspección técnica (ITV) e seguros correspondentes sendo isto responsabilidade das persoas que figuran como inscritas. Atenderase neste punto ao estipulado no Regulamento xeral de Circulación.

14- Cada comparsa deberá interpretar ante o público nas instalacións destinadas ao evento un máximo de dúas cancións ou de dúas parodias, ou ben, dunha parodia e dunha canción. Polo menos unha delas terá que estar escrita e ser interpretada en lingua galega, e un dos temas **deberá obligatoriamente versar sobre Valdoviño**. As comparsas que necesiten música deberán facilitala en soporte USB o mesmo día do festival.

15.- O tempo máximo de posta en escena para cada comparsa será de 10 minutos. As comparsas que superen o tempo regulamentariamente establecido e permanezan no escenario despois de seren avisadas, poderán ser descualificadas polo equipo de organización do evento.

16.- Serán as propias comparsas as que libremente decidan distribuír a letra das súas cancións entre os asistentes ao festival. Dado o carácter humorístico desta festa tradicional, o Concello de Valdoviño non asumirá responsabilidade algúnsa acerca das letras, interpretacións e disfraces das comparsas e entroidos participantes.



Casa da Cultura: 981487666/645305229



17.- Na modalidade “**OUTROS**” non haberá límite de inscricóns. Os anotados asumen o compromiso de desfilaren en pasarrúas, polo que deberán presentarse as 17,00 horas no punto de saída; igualmente deberán desfilar, cando se lles indique, polo escenario habilitado na Casa da Cultura. Os anotados deberán levar nun lugar visíbel o dorsal que recibirán no momento de faceren a inscrición. Non serán obxecto de valoración aqueles que áinda inscritos non cumpran o aquí estipulado.

18.- XURADO 1: Cada **COMPARSA** participante designará a unha persoa debendo dar o nome e DNI da persoa que vaia a realizar esa tarefa na inscrición. Esta persoa deberá acreditarse perante a organización antes do comezo do pasarrúas. Pode ser un dos membros da comparsa pero neste caso non poderá desfilar no pasarrúas. O representante elixido como xurado terá o obriga de permanecer no lugar habilitado para tal fin e de visionar todas as actuacións. O abandono por parte da persoa do xurado sen previo aviso á organización e sen causa xustificada significará a descualificación da comparsa á que representa.

Cada membro do xurado representante das comparsas recibirá unha ficha sobre a que facer a valoración . Na mesma puntuará a cada comparsa, excepto á que representa, cun valor comprendido entre o 1 e o 5 nas opción de pasarrúas e cun valor comprendido entre o 1 a 5 na opción de escenario. Ambos valores sumaranse e a comparsa que acade o valor máis alto será a gañadora do vale para consumo en empresa local de Valdoviño (cesión do dereito do gañador ao establecemento comercial) por importe de 150 euros. Como criterios de valoración o xurado deberá ter en conta: a orixinalidade e vistosidade do disfraz, a simpatía, e a conservación das características do entroido tradicional. En caso de empates, os membros do xurado deberán reunirse e volver a votar até acadar unha maioría.

XURADO 2 : O xurado formado polo equipo de traballo da área de cultura que tomará a súa decisión por unanimidade previa deliberación e facendo fincapé nos criterios de valoración anteriormente indicados para o xurado 1 e que se deberán xustificar no informe final.



Casa da Cultura: 981487666/645305229



A resolución do concurso terá lugar o mesmo día 25 de febreiro. O Concello de Valdoviño non se responsabiliza das votacións emitidas polo xurado sempre e cando cumpran o establecido nas Bases. Calquera interesado poderá consultar as votacións dos xurados que serán recollidas nunha acta de escrutinio por un membro da organización que actuará como secretario/a.

19.- Finalizadas todas as actuacións deixarase un tempo para facer o reconto de puntuacións dos xurados e seguidamente citaranse no palco aos gañadores da modalidade “Outros” e a un representante de cada unha das comparsas participantes. A comparsa escollida como gañadora polo xurado “representantes das comparsas” será a encargada de repetir a actuación ao final do acto.

20.- Durante a celebración desta actividade prohíbese a subministración e consumo de bebidas alcohólicas nos espazos destinados a este fin.

21.- O Concello de Valdoviño resérvase o dereito de anulación do desfile por inclemencias do tempo. No caso de anulación do pasarrúas o festival comezará ás 17,30 horas na Casa da Cultura.

22.- Se coa finalidade de mellorar o desenvolvemento dos actos programados se considerase conveniente introducir modificacións ao aquí fixado, poderá facerse por parte da organización. Atendendo a este punto solucionaranse os imprevistos que puidesen xurdir entre o día de comezo de inscricións e o día do festival.

23. -Todos os integrantes das comparsas quedarán obrigados a atender as recomendacións que lles indiquen os traballadores dos corpos de seguridade e da organización. De producirense danos a bens ou persoas durante o desenvolvemento da actividade que non sexan imputábeis ao Concello de Valdoviño, a responsabilidade derivada será asumida íntegramente polos inscritos como participantes na/s solicitudes





Casa da Cultura: 981487666/645305229



que producisen os danos. Igualmente, o Concello de Valdoviño non se fará responsable das accións realizadas por grupos ou persoas non inscritas.

24.- Con posterioridade ao evento emitirase informe para poder proceder cos pagamentos que cumpridamente se deban facer atendendo ao estipulado nas presentes Bases e onde figurarán as puntuacións, os importes acadados polos participantes premiados, así como aqueles premios que ficasen desertos se fose o caso, as cantidades económicas fixas outorgadas a cada comparsa e calquera incidente que se tivese que resolver con motivo da celebración da actividade

25.- A inscrición no concurso enténdese como aceptación plena das Bases fixadas para o mesmo, sen que se poidan formular reclamacións de ningunha clase e por ningún concepto contra o aquí regulamentado. O incumprimento destas bases dará lugar á descualificación automática da comparsa participante e á anulación da axuda estipulada. Non serán admitidos comportamentos ilegais, vexatorios ou de mal gusto que excedan o espírito crítico, satírico e lúdico do Entroido.

26.- Como anexo a estas bases figura a documentación para a inscrición.

27.- Estas bases entrarán en vigor ao día seguinte da súa publicación no Boletín Oficial da Provincia da Coruña, unha vez rexistradas na Base de Datos Nacional de Subvencións . Estarán a disposición dos interesados, xunto aos modelos de inscrición na páxina web do Concello, no taboleiro de información e na Casa da Cultura

En todo o que non está previsto nestas bases terá de aplicación supletoria a Lei Xeral de Subvencións 38/2003.

Valdoviño, 31 de xaneiro de 2023.

Alcalde,

Alberto González Fernández.

